



Inatsisartunut ilaasortaq Mariane Paviasen, Inuit Ataqaigiit

Savaatillit nunaminertat neriniartitsivittut atortagaat pillugit § 37 naapertorlugu apeqquteqaammut 146-2022-mut akissut.

Inatsisartut suleriaasianni § 37, imm. 1 naapertorlugu savaatillit nunaminertat neriniartitsivittut atortagaat pillugit apeqqutit matuma kinguliani allassimasut Naalakkersuisunut saqqummiuppatit.

16-08-2022
Suliap nr. 2022 - 14875

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: an@nanoq.gl
www.naalakkersuisut.gl

1. **Savaatillit savaatiminnut nunaminertaq neriniartitsivittut atortagaat qanoq annertugisoq aatsitassarsiorniarluni misissuiffissatut tunniunneqarsimasoq qanoq annertutigiva?**
 - a. **Sumilu tamanna inissisimava?**
 - b. **Savanut neriniartitsivik aatsitassarsiorfissatullu misissuiffigiinagaq imminnut qaleriippat?**

Akissut: Apeqqutit taakkua immikkuullarissumik akissuteqarfigineqarsinnaanngillat, tassami Naalakkersuisut akissuteqaammut nassuiaasinnaasunik tutsuiginartunik paasissutissanik tiggumiaqanngillat. Taamaattumik aatsitassarsiorniarluni misissuinissamut akuersissummik qinnuteqaat pillugu suliap ingerlasarneranut ataatsimut isigalugu akissuteqarfigissavakkit.

Aatsitassanut Aqutsisoqarfiup aatsitassarsiorniarluni misissuinissamut akuersissummik qinnuteqaatit suliarisarpai. Aatsitassanut Aqutsisoqarfiup aatsitassarsiorniarluni misissuinissamut akuersissummik qinnuteqaat tigguppagu, qinnuteqartup sumiiffimmut qinnuteqarfigineqartumut nunap assingani naleqqat allassimasussaavai kiisalu sumiiffimmut nunap assinga ilannguttussaallugu. Tamatuma kingorna Aatsitassanut Aqutsisoqarfiup aqutsisoqarfiup pisinnaatitsissutinik aqutsinermut periaasiani najoqqutassat tatiginassusaat uppennarsartarpai.

Aatsitassarsiorniarluni misissuinissamik qinnuteqaatini tamaginni Aatsitassanut Aqutsisoqarfik tusarniaanermik ingerlatsisarpoq. Suleqatigisat makkua sumiiffinni Kujalleq Kommuni Kujallermi inissisimasuni qinnuteqaatini aalajangersimasumik tusarniaaffigineqartartut ilagaat:

- Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfik

- Kommune Kujalleq
- Savaatillit Peqatigiiffit Suleqatigiissut

Tusarniaanermut najoqqutassat tassaasarpur ilaatigut qinnuteqartup nunap assingani nalerai, nunap assingi najoqqutassat kiisalu ingerlatassat suut aatsitassarsiorluni misissuinissamut akuersissut naapertorlugu suliarineqarsinnaanersut naatsumik nassuiaat.

Neriniartitsinissamut akuersissutit Nunalerinermut Siunnersorteqarfimmit aqunneqarpur. Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup Aatsitassanut Aqutsisoqarfimmut tusarniaanermut akissuteqaammi neriniartitsinissamut akuersissuteqarnerisoo pillugu paasissutissiinissaq kiisalu nunalerinermut suliaasaqarfinni aatsitassarsiorluni misissuinerni sillimaniarnermi maleruagassat nalinginnaasut isumagisarpai.

2. **Nunaminertap aatsitassarsiorfiginiarlugu misissuiffissatut qinnutigineqarmat tunniunneqannginnerani atuisut siullit (savaatillit) qanoq tusarniaavigineqarsimappat?**
 - a. **Tusarniaanermi akissutaasut qanoq oqariartuuteqarpat?**
 - b. **Tusarniaanermi akissuteqaatit nunaqavissunit atuisunit akissutit tusaaniarneqarsimappat?**

Akissut: Takuuk inussiarnersumik akissuteqaat matuma siulianiittoq.

3. **Neriniartitsivik pineqartoq qaqugu misissuiffigineqarluni aallartissava?**
 - a. **Suna pillugu savaatillit neriniartitsiviat aatsitassarsiornermut misissuiffigineqarnissaa tunniunneqarsimava?**
 - b. **Savat neriniarneri akornuserneqartussaani eqqarsaatigalugit Naalakkersuisut qanoq iliuseqarniarpat?**

Akissut: Aatsitassanut akuersissutit sumiiffinni allanik ingerlataqarnissaq akornusernanngilaat. Paarlattuanik aatsitassarsiorluni misissuinissamut akuersissutinut atugassarititaasuni nalinginnaasuni immikkoortoq 501 malillugu pisinnaatitsissummik pigisaqartup sumiiffimmi pisinnaatitsissutit atuutereersut ataqqinissaannut pisussaaffeqarpoq.

Tamatuma saniatigut pisinnaatitsissummik pigisaqartoq sumiiffimmi ingerlaannaq aatsitassarsiorluni ingerlatanik sunilluunniit suliaqarsinnaanngilaq.

Siullermik pisinnaatitsissummik pigisaqartup asimi maleruagassani immikkoortoq 1.01.02 malittussaavaa, assersuutigalugu uumasut pisariaqanngitsumik akornusersorneqaaqusaannginnerat aammalu allap suliffeqarfia

akornuserneqaqqusaanngitsoq imaluunniit pisariaqanngitsumik ajornakusuulersinneqaqqusaanngitsoq pillugu piumasaqaat.

Aappaattut ingerlatassat aalajangersimasumik annertussusillit sinnerlugit annertussuseqarpata, takuuk atugassarititaasuni nalinginnaasuni immikkoortut 701-711, pisinnaatississummik pigisaqartoq suliaqarfissani ukiumoortumik ingerlatassanut akuersissuteqarnissaq pillugu immikkut qinnuteqaateqartussaavoq.

Aatsitassanut ikummatissanullu inatsit, Atugassarititaasut nalinginnaasut aammalu Asimi maleruagassat taamaalillutik nunaminertat ataatsikkut siunertanut arlalinnut atorneqarsinnaanerannut aammalu sumiiffimmi pisinnaatitaaffiit pioreersut – ilanngullugu ukioq ataaseq neriniartitsinissamut akuersissutinik peqarsimappat – ataqqineqarnissaannut tapersiipput.

4. Siunissami savaatillit neriniartitsivittut atugaat aatsitassarsiornianut tunniunneqartannginnissaat qanoq iliuuseqarfigniarneqarpa?
- a. Taamaappat qanoq iliortoqarniarpa?
 - b. Taamaanngippat suna pillugu inuussutissarsiummut akornusiisumik iliuuseqartoqartuassava?

Akissut: Kommuni Kujallermi nunaminertat qanoq atorneqarnissaasa qulaajaavigineqarnerata aallartinnissaa pillugu Kujalleq Kommunimi borgmesterip allaffianut oqaloqateqarneq Aatsitassanut Inatsisillu Atuutsinneqarnerannut Naalakkersuisoqarfiup aallarnereerpaa. Ilaatigut inissisimanerup allaaserineqartup atorneqarnissaa inatsisini attuumassutilinni assigiinngitsuni sillimaffigineqarpoq, takuuk imm. 3-mut akissut, kisianni inatsisinik allanngortitsinissaq pisariaqarnersoq imaluunniit nunaminertanik aqutsinermi pitsanngorsaannissanut pisariaqartitsinerit allat kommuni peqatigalugu Naalakkersuisut qimerluussavaat.


Ajornartorsiutit iluameersumik paasinarsinissaat Naalakkersuisut pingaartippaat, tassani pingaartumik nunaminertanik nunalerinermut aamma aatsitassarsiorluni misissuinermtut ingerlatseqatigiiffinnit atuisut akuutinneqassallutik. Aamma suliaqartut allat attuumassutillit oqaloqatigiinnermi peqataasinnaapput, soorlu assersuutigalugu takornariartitsinermik inuussutissarsiutillit, UNESCO-qarfinnik aqutsisut, piniartut aalisartullu

5. Nunaminertat aatsitassarsiorniarluni misissuiffissatut
qinnuteqaateqaatigineqarsimasut Savaatillit neriniartitsiviinniittut
arlaqarsimappata Naalackersuisut sorlernik salliutitsiniarpat?
a. Savaatillit atuinerat salliutinnaireqarpat?
b. Taamaasimappat qanoq ililluni salliutinneqassappat?
c. Nunaminertat aatsitassarsiorfiginiarlugit misissorniakkat
akuersissutigineqarsimasut utertinneqarsinnaappat?

Akissut: Nunaminertanik atuneq qanoq pingaarnersiuffigineqassanersoq imaluunniit maannakkutut nunaminertani ataatsini atuisut arlaqarsinnaanersut akissuteqaammut tunngatillugu, matuma siuliani taaneqartumi inassuteqaatit aallaavigalugit siunissami politikkikkut oqallisigineqassaaq.

Apeqqummut c-imut tunngatillugu, pisinnaatitsissutit inatsisit malillugit tunniunneqartut tunuartinneqassappata, tassani neriniartitsinissamut imaluunniit aatsitassarsiorniarluni misissuinissamut pisinnaatitaaffiit pineqaraluarpataluunniit, tamanna ingerlaannaq taarsiissutitalimmik arsaarinninnerusussaasoq, Naalackersuisut eqqumaffigeqqussavaat. Tamatumani aamma taarsiivigineqarnissaq pillugu pissusissamisoortumik naatsorsuutigisaqarneq.

Inussiarnersumik inuulluaqqusillunga



Aqqaluaq B. Egede